

К ОПУБЛИКОВАНИЮ

КОМИ РЕСПУБЛИКАСА ВЕСЬКӦДЛАН КОТЫРЛӦН ШУӦМ

Коми Республикаса Веськӧдлан котырлӧн ӧткымын шуӧмӧ вежсьӧмьяс пыртӧм йылысь

Коми Республикаса Веськӧдлан котыр шуис:

1. Пыртны Коми Республикаса Веськӧдлан котырлӧн ӧткымын шуӧмӧ вежсьӧмьяс содтӧдын индӧм лыддьӧг серти (водзӧ – Лыддьӧг).

2. Тайӧ шуӧмыс вынсялӧ сійӧс официальной йӧзӧдӧмсянь дас лун кольӧм бӧрын, положениеяс кындзи, кутшӧмьяс серти тайӧ пунктса мӧд абзацӧн урчитӧма мӧд вынсялан кадколаст.

Лыддьӧглӧн 1 да 2 пунктъясса положениеясыс «Сыктывкар» кар кытша муниципальной юкӧнлӧн мутасын карса туйяс вылын пыр ӧткодя новлӧдан муниципальной маршрутъясын либӧ транспортной картаӧн, либӧ банковскӧй картаӧн, либӧ социальной ветлан билетӧн вӧдитчан кадколаст юкӧнын вынсялӧны тайӧ шуӧм примитан лунсянь да паськалӧны 2020 вося кӧч тӧлысь 1 лунсянь артмӧм инӧда йитӧдьяс вылӧ.

Коми Республикаса Веськӧдлан котырӧн

Юрнуӧдысьӧс вежысь –

Коми Республикаса сьӧм овмӧс министр

Г. Рубцова

Сыктывкар

2020 вося кӧч тӧлысь 18 лун

464 №

Коми Республикаса Веськӧдлан котырлӧн
2020 во кӧч тӧлысь 18 лунся 464 №-а шуӧм дорӧ
СОДТӦД

Коми Республикаса Веськӧдлан котырлӧн
ӧткымын шуӧмӧ пыртӧм вежсьӧмъяс
ЛЫДДЬӦГ

1. «Коми Республика мутасын торъя категория гражданаӧс, кодъяслӧн эм социальнӧя отсалан мераяс сетӧм вылӧ инӧд, пассажирскӧй автомашина транспортын (такси кындзи) транспорт услугаясӧн ӧткодя могмӧдӧм йылысь» Коми Республикаса Веськӧдлан котырлӧн 2008 во ӧшым тӧлысь 9 лунся 342 №-а шуӧмын:

Торъя категория гражданаысь, кодъяслӧн эм социальнӧя отсалан мераяс сетӧм вылӧ инӧд, карса туйяс вылын пыр ӧткодя новлӧдан муниципальнӧй маршрутъясын пассажирскӧй автомашина транспортын (такси кындзи) транспортнӧй картаӧн либӧ банковскӧй картаӧн вӧдитчӧмӧн ветлан правилӧясын, транспортнӧй карта сетан да банковскӧй карта вылӧ льготаӧн ветлан услуга пасьян пӧрадокын, а сӧдзжӧ транспортнӧй картаӧн либӧ банковскӧй картаӧн вӧдитчӧмӧн ветлыны позянлун сетӧмкӧд йитӧдын перевозчиклы мынтысян пӧрадокын да мынтан мындаын, мый вынсьӧдӧма шуӧмӧн (4 №-а содтӧд):

4.3 пунктса сизимӧд абзацын «Тайӧ Правилӧясӧн вӧдитчыны заводитан тӧлысянь 3 тӧлысь чӧжӧн сӧк, кор кар кытшса муниципальнӧй юкӧнлӧн мутасын» кывъяс вежны «Тайӧ Правилӧясӧн вӧдитчыны заводитан тӧлысянь 3 тӧлысь чӧжӧн сӧк, кор «Ухта» кар кытшса муниципальнӧй юкӧнлӧн мутасын да тайӧ Правилӧясӧн вӧдитчыны заводитан тӧлысянь 4 тӧлысь чӧжӧн сӧк, кор «Сыктывкар» кар кытшса муниципальнӧй юкӧнлӧн мутасын» кывъясӧн.

2. «Коми Республика мутасын торъя категория гражданаӧс, кодъяслӧн

эм социальнӧя отсалан мераяс сетӧм вылӧ инӧд, пассажирскӧй автомашина транспортын (такси кындзи) транспорт услугаясӧн ӧткодя могмӧдӧм йылысь» Коми Республикаса Веськӧдлан котырлӧн 2008 во ӧшым тӧлысь 9 лунся 342 №-а шуӧмӧ вежсьӧмъяс пыртӧм йылысь» Коми Республикаса Веськӧдлан котырлӧн 2020 во косму тӧлысь 16 лунся 175 №-а шуӧмын:

3 пунктын «тайӧ шуӧмлӧн 4 пунктын индӧм кар кытшысса муниципальнӧй юкӧнъяслӧн мутасьясын тайӧ шуӧм дорӧ содтӧдъяслӧн положениеясӧн вӧдитчыны заводитан лунсянь 3 тӧлысь чӧж» кывъяс вежны «Ухта» кар кытшса муниципальнӧй юкӧнлӧн мутасын тайӧ шуӧм дорӧ содтӧдъяслӧн положениеясӧн вӧдитчыны заводитан лунсянь 3 тӧлысь чӧж да «Сыктывкар» кар кытшса муниципальнӧй юкӧнлӧн мутасын тайӧ шуӧм дорӧ содтӧдъяслӧн положениеясӧн вӧдитчыны заводитан лунсянь 4 тӧлысь чӧж» кывъясӧн.